



Broj: 16-12-16-2572-<sup>13</sup>/21  
I. Sarajevo, <sup>03</sup> 06.2021. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH”, br. 27/04, 63/04, 35/05, 49/09 i 40/12), čl. 70. i čl. 72. stav (3) tačka c) Zakona o javnim nabavkama („Službeni glasnik BiH”, broj 39/14) i Pravilnika o uslovima i načinu korištenja e-aukcije („Službeni glasnik BiH”, broj 66/16), u otvorenom postupku javne nabavke rezervnih dijelova za održavanje vozila za potrebe Državne agencije za istrage i zaštitu, direktor Državne agencije za istrage i zaštitu, d o n o s i

### ODLUKU

- o izboru najpovoljnijeg ponuđača u otvorenom postupku javne nabavke rezervnih dijelova za održavanje vozila Državne agencije za istrage i zaštitu i dodjeli okvirnog sporazuma drugorangiranom ponuđaču

#### Član 1.

U otvorenom postupku javne nabavke rezervnih dijelova za održavanje vozila Državne agencije za istrage i zaštitu, za koji je obavještenje o nabavci, broj 1161-1-1-87-3-42/21 objavljeno na Portalu Agencije za javne nabavke, dana 23.03.2021. godine i u „Službenom glasniku BiH“, broj 21/21, okvirni sporazum za nabavku rezervnih dijelova za održavanje vozila Državne agencije za istrage i zaštitu za period od tri godine, dodjeljuje se drugorangiranom ponuđaču, firmi „DRR AUTO” d.o.o. Kiseljak, za cijenu od 13.757,00 KM bez uračunatog PDV-a, ponudenu na e-aukciji održanoj dana 21.05.2021. godine.

#### Član 2.

Ovom odlukom stavlja se van snage Odluka o izboru najpovoljnijeg ponuđača u otvorenom postupku za dostavljanje ponuda za javnu nabavku rezervnih dijelova za održavanje vozila za potrebe Državne agencije za istrage i zaštitu, broj 16-12-16-2572-9/21 od 27.05.2021. godine kojom se okvirni sporazum za nabavku rezervnih dijelova za održavanje vozila Državne agencije za istrage i zaštitu za period od tri godine, dodjeljuje ponuđaču „TOTAL TRADE” d.o.o. Doboje.

#### Član 3.

(1) Ponuđač „DRR AUTO” d.o.o. Kiseljak obavezan je ugovornom organu dostaviti dokaze o ispunjavanju uslova iz tač. 11.1. i 12.2. Tenderske dokumentacije.

(2) Dokaze iz stava (1) ovog člana (orginal ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

#### Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

#### Član 5.

Ova odluka stupa na snagu danom donošenja.

### Obrazloženje

Odlukom direktora Državne agencije za istrage i zaštitu (u daljem tekstu: Agencija), broj 16-12-16-2572-1/21 od 17.03.2021. godine, pokrenut je postupak javne nabavke rezervnih dijelova za održavanje vozila za potrebe Agencije, za period od tri godine, procijenjene vrijednosti 52.000,00 KM bez uračunatog PDV-a.

U toku postupka javne nabavke, Komisija za nabavke za potrebe Državne agencije za istrage i zaštitu u 2021. godini (u daljem tekstu: Komisija), zaprimila je pristigle ponude, izvršila njihovo otvaranje, te izvršila pregled i ocjenu ponuda, a prema zahtjevima i kriterijima iz Tenderske dokumentacije. Za navedeni postupak javne nabavke predviđena je e-aukcija u skladu s odredbama Pravilnika o uslovima i načinu korištenja e-aukcije ("Službeni glasnik BiH", broj 66/16). Prema izvještaju o toku i završetku e-aukcije od 21.05.2021. godine, sačinjena je rang lista ponuđača na osnovu koje je donesena Odluka o izboru najpovoljnijeg ponuđača u otvorenom postupku za dostavljanje ponuda za javnu nabavku rezervnih dijelova za održavanje vozila za potrebe Državne agencije za istrage i zaštitu, broj 16-12-16-2572-9/21 od 27.05.2021. godine kojom je, kao najpovoljniji ponuđač za predmetnu nabavku, izabran ponuđač „TOTAL TRADE" d.o.o. Doboj.

Obzirom da je izabrani ponuđač „TOTAL TRADE" d.o.o. Doboj odustao od ponuđenog sporazuma na način da je dostavio Izjavu protokolisanu pod brojem 16-12-16-2572-11/21 od 31.05.2021. godine, kojom odustaje od daljeg učešća u predmetnom postupku nabavke, Agencija je, postupajući po odredbama člana 72. stav (3) Zakona o javnim nabavkama, dodjelu sporazuma ponudila drugorangiranom ponuđaču, firmi „DRR AUTO" d.o.o. Kiseljak, koja je potvrdila da prihvata dodjelu sporazuma, kako je navedeno u članu 1. ove odluke.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđaču »DRR AUTO«  
d.o.o. Kiseljak (poštom);
- Sektoru za mat.-fin. poslove;
- a/a.

